

D. HUBERTI
GIPHANII JU-
RISCONSULTI CELE-
BERRIMI, ANTECESSORIS
NOBILISSIMI, SACRÆ CÆSAR. MAJE-
stat. Consiliarii laudatissimi.

OECONOMIA IVRIS,

SIVE

DISPOSITIO METHODICA O-
*mnium LIBRORUM ac TITULORUM totius Juris Ci-
vilis Imperatoris Justiniani sacratissimi Principis,
planè nova, cui similis antehac nō visa, cognitionem
deniq; juris affectantibus apprimè necessaria.*



Cum Gratia & Privilegio S. Cæsareæ Majestatis.

ARGENTORATI,

Sumptibus LAZARI ZETZNERI Bibliopola.

Anno M. DC. XII

1



O E C O N O M I A,
S I V E C O M M E N T A R I V S
D E D I S P O S I T I O N E L I -
B R O R U M J U R I S J U -
S T I N I A N I .

Praefatio communis universae Oeconomiae.



SOCRATES apud Xenophontem *libr. 5. de* ¹
dictis Socratis, qui vulgo *Oeconomicôn* inscri-
bitur: *Ordine*, inquit, *ac dispositione*, nihil vel pul-
critius est, vel ad usum accommodatius: idque ex-
emplis suo more in Choris scenicis, in ex-
ercitu, in triremi, in navi oneraria, in do-
mo, in ipsa deniq; Rep. demonstrat. Et pul-
critudo ex ordine quidem ita perspicua
est, ut pluribus eam verbis non sit opus
docere. Nam & apud Græcos *ἄξιον* & *κόσμιον* idem valent: Et Plato
in Timæo hanc ordinis pulcritudinem in ipso mundo elucere osten-
dit. Utilis est autem ordo primum ob memoriam, quia, ut Aristo-
teles ait, in *libr. de memoria*, ea quæ sunt ordine disposita, facilius me-
moriæ mandantur: partim quia, ut Socrates eo loco disserit, eadem
facilius reperiri, & si opus sit, depromi possunt. Denique facit ordo
ad intelligentiam rei, de qua agitur, eò quod rem planiorem red-
dat: ut ordinis perturbatio obscuriorem. Præterea ad hoc quoque
prodest ordo, ut suum quisque officium commodius faciat altero
non impediante: Ad brevitatem quoque mirifice utilis est ordo,
ut eadem res bis, terve non reiteretur, teste Gal. *lib. 6. de tuend. val.*

Cum autem aliarum artium, tum in primis & legum periti ordi- ²
nis studiosi esse debent, primum propter negotiorum civilium, &
præceptorum juris infinitam ferè multitudinem & varietatem,
quasi & ipsa iustitia, jam olim ut memoria quoque Jurisconsulto-